

## Paerewa Paetae

<b>Aronga</b>	Tikanga ā-lwi 3.3		
<b>Ingoa</b>	Te tātari i ngā take e pā ana ki ngā whenua Māori		
<b>Kaupae</b>	3	<b>Whiwhinga</b>	4
		<b>Aromatawai</b>	Ā-roto
<b>Marau akoranga</b>	Te Marautanga o Aotearoa		
<b>Kokonga akoranga</b>	Tikanga ā-lwi		
<b>Mana rēhita</b>	Kua rēhitatia	<b>Te rā i mana ai</b>	17 Whiringa-ā-rangi 2016
<b>Te rā e arotakengia ai</b>	31 Hakihea 2020	<b>Te rā i puta ai</b>	17 Whiringa-ā-rangi 2016

### Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Matua

*Te Wāhi me te Taiao*

*I roto i te whenu o Te Wāhi me te Taiao ka whakawhanake mōhiotanga te ākongā ki:*

- *ngā mahi a te tangata hei atawhai i te taiao.*

### Whāinga Paetae

*Matawhenua*

8.2 *He rerekē ngā uara, ngā whakaaro me ngā urupare a te tangata ki ngā kowhiringa, ngā aukati me ngā otinga ohaoha, pāpori, ā-taiao hoki o te whakarite me te whakatau kaupapa.*

E hono ana ki te Papa Whakaako mō te Tikanga ā-lwi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Paerewa Paetae**

<p><b>Paetae</b> Te tātari i ngā take e pā ana ki ngā whenua Māori.</p>	<p>Hei tohu i te paetae:</p> <ul style="list-style-type: none"> <li>• Ka whakamārama i ngā āhuatanga matua e pā ana ki tētahi take whenua Māori.</li> <li>• Ka matapaki i ngā hua, me ngā urupare a te iwi ki taua take, ka taunaki ai.</li> </ul>
<p><b>Kaiaka</b> He kaiaka te tātari i ngā take e pā ana ki ngā whenua Māori.</p>	<p>Hei tohu i te kaiaka:</p> <ul style="list-style-type: none"> <li>• Ka matapaki i ngā hua whānui o te take whenua Māori.</li> <li>• Ka whakamārama i ngā urupare a te iwi me ōna hua, ka āta taunaki ai.</li> </ul>
<p><b>Kairangi</b> He kairangi te tātari i ngā take e pā ana ki ngā whenua Māori.</p>	<p>Hei tohu i te kairangi:</p> <ul style="list-style-type: none"> <li>• Ka whakaatu i tētahi huarahi rerekē e pai atu ai ngā hua, ka āta taunaki ai.</li> </ul>

**Kōrero Āpiti**

1. E whai ake nei ngā whakamārama o ngā tino kupu, kīanga rānei:

ngā whenua Māori	Ngā whenua i nōhoia e ngā tūpuna. Kāore i whāiti mai ki te papa whenua noa. Hei tauira: ko ngā maunga, ko te wai, ko te ngahere, ko ngā pā harakeke, ko ngā papa kāinga me ngā marae.
take whenua Māori	<p>Ngā kaupapa, ngā āwangawanga, ngā raruraru me ngā taukumekume whenua Māori, hei tauira, ko:</p> <ul style="list-style-type: none"> <li>• Te Ture Whenua Māori: ōna here, ōna aukati, ōna whāinga, ōna whakahaere me tōna whakahoutanga</li> <li>• Te Ture Whakahaere Rawa Taiao (RMA)</li> <li>• Te Ture Whenua Māori me Te Kōti Whenua Māori, 'Te Kōti Muru Whenua' rānei</li> <li>• ngā rīhi 'peppercorn'</li> <li>• te whakamahi i ngā whenua o te iwi</li> <li>• ngā tarati Māori</li> <li>• Te Tumu Paeroa</li> <li>• te whakahaere ngātahi ki te Karauna (pērā i Tūwharetoa me Waikato-Tainui)</li> <li>• te rāhui (āpure moana) i Rangitāhuahua</li> <li>• te whakatipu kai</li> <li>• te rāhui, te whakatapu i ētahi momo kararehe Māori/taketake, pērā i te kererū, te tuna rānei</li> <li>• te papa kāinga</li> <li>• te matatira/pāpuni o Ruataniwha</li> <li>• te whakahokinga o te mana whakahaere i Te Urewera ki a Tūhoe.</li> </ul>

ngā āhuatanga matua e pā ana ki tētahi take whenua Māori	Ngā tino āhuatanga, ao tangata mai, ao wairua mai, e pā ana ki tētahi take whenua Māori. Hei tauira, ko ngā kaupapa pakihi, ohaoha, ko te mana whenua, ko te ahi kā, ko te mana whakaheke, te muru raupatu, te poke whenua, te mahi parahanga, te rū whenua, te waipuke, te horo whenua.
ka taunaki ai	Me rapu ngā kōrero tautoko i te horopaki e tika ana, e whai mana ana hoki ki te rōpū e kōrerotia ana, inarā ngā kōrero e pā ana ki ngā whakapono me ngā mātāpono o taua rōpū.
ka āta taunaki ai	Ka whakamahi i ngā kōrero tautoko whānui hei taunaki i te whakatau whakaaro. Hei tauira, ko: <ul style="list-style-type: none"> <li>• te uiui tāngata</li> <li>• ngā tuhinga hītori</li> <li>• ngā pūrongo moheni, nūpepa rānei</li> <li>• ngā raraunga</li> <li>• ngā waiata tawhito.</li> </ul>

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233